

**BILBOKO AUTOTAXI ZERBITZURAKO IBILGAILU ELEKTRIKO BERRIAK
EROSTEKO DIRU-LAGUNTZETARAKO DEIALDIA**

2019

1. ARTIKULUA. XEDEA

Mugikortasun eta Jasangarritasun Sailak, Garraioen esparruaren barruan, "Bilboko autotaxi zerbitzurako ibilgailu elektriko berriak erosteko" diru-laguntza ildorako deialdia egin du.

Deialdiaren xedea da diru-laguntzetarako deialdia egitea, Bilboko taxi zerbitzuko errekontza-motorra duten ibilgailuak ordezkatzeko ibilgailu elektriko puruak eta berriak eta lehenengo matrikulaziokoak erosteko; era horretan Bilboko airearen kalitatea hobetzen, eta kutsadura akustikoa, berotegi efektuko gasen isurketak eta energia kontsumoa txikitzen lagundu dezaten.

2. ARTIKULUA. ERREGIMEN JURIDIKOA

Honako lege eta arau hauen bitartez arautuko dira deialdian jarritako diru-laguntzak: azaroaren 17ko Diru-laguntzen 38/2003 Legearen bitartez, hura garatzen duen Araudiaren bitartez –uztailaren 21eko 887/2006 Errege Dekretuaren bitartez onartua— eta Bilboko Udalak eta zuzenbide publikoko barneko organismoek eta erakundeek deitutako diru-laguntzak emateko Oinarri arautzailearen bitartez. Azken horiek 2016ko ekainaren 30eko Udalbatzaren Akordioaren ondoriozko Ordenantza orokorretan onartu dira, eta 2016ko uztailaren 20ko 138. Bizkaiko Aldizkari Ofizialean argitaratu.

3. ARTIKULUA. ONURADUNAK

Bilbo Udaleko taxi baimena duten pertsona fisikoak edo Bilboko taxi elkarteak, diru-laguntzaren xede den ibilgailua erabiliko bada Bilboko taxi baimenen ordezkapen ibilgailu gisa eta baldintza hauek betetzen badira:

- a) Ibilgailu elektriko puru berriren bat atxiki edo atxikiko badiote zerbitzuari, 2018ko irailaren 4tik 2019ko abenduaren 31ra bitarteko epean, udal-ikuskaritzaren aldeko txostenak ziurtaturik.
- b) Taxiari udalak derrigorrezko jotzen dituen azterketak eginda izatea.
- c) Diru-laguntzei buruzko azaroaren 17ko 38/2003 Lege Orokorraren 13. artikuluko 2 eta 3 ataletan ezarritako debekurik ez izatea.

4. ARTIKULUA. IBILGAILUEN BALDINTZAK ETA BETEBEHARRAK

1.- Diru-laguntzen xede diren ibilgailuek elektriko puruak eta berriak izan beharko dute, eta taxi baimenaren titularrek 2017ko irailaren 4tik 2018ko abenduaren 31ra bitartean erosi edo erosteko asmoa eduki behar dute.

5. ARTIKULUA. ONURADUNEN BETEBEHARRAK

Diru-laguntzen onuradunek azaroaren 17ko Diru-laguntzei buruzko 38/2003 Lege Orokorraren 14. artikuluan ezarritako betebeharrak bete beharko dituzte.

Diru-laguntza emateko ebazpenaren aurretik, erakunde onuradunak bereziki ziurtatu behar du zergak ordaintzen dituela eta Gizarte Segurantzarekiko obligazioak betetzen dituela.

Ez da diru-laguntzaren ordainketa gauzatuko, baldin eta hura izapidetzeko datan egunean ez badago aipatutako betebehar horiekin eta Gizarte Segurantzarekin.

Deialdi honen onuradunek honako betebeharrak bete behar dituzte:

- Diru-laguntzaren helburu den ibilgailua hura erosi eta hurrengo hil bietan laguntza eskatu den lizentziari atxikitzea.
- Ibilgailu elektrikoa gutxienez 4 (lau) urtez edukitzea Bilboko taxi zerbitzuan, atxiki zenetik zenbatzen hasita. Gutxieneko epe hori amaitu aurretik kentzen bada ibilgailua zerbitzutik, Udalarari itzuli beharko dio aurreko paragrafoan zehaztutako gutxieneko epea bete bitarteko zati proportzionala, salbuetsita gelditzen delarik automobilaren transmisioa Bilboko beste taxi baimen baten titular bati egiten bazaio eta automobilak zerbitzua ematen jarraituko badu gutxieneko epe hori bete bitartean. Edonola ere, gutxieneko epe hori betetzen ez bada, diru-laguntzaren onuradunaren erantzukizuna izango da diru-laguntzaren zati proportzionala itzultzea.
- Era berean, mugikortasun elektrikoari buruzko ikastaroetara, prestakuntzara eta ekitaldietara joan beharko dute, Mugikortasun eta Jasangarritasun Sailak hala eskatzen badie.
- Aurreko baldintzak ez betetzeak ekar dezake onuradunak laguntzaren zati proportzionala (ez betetzearen eta aipatu ibilgailu egokituaren iraupen-epearen artekoa) itzuli beharra.
-

6. ARTIKULUA. AURREKONTU KREDITUAK

1.- Deialdiko diru-laguntzak Bilboko Udalak 2019ko ekitaldirako onartutako aurrekontuaren 2019 61000 44110 7719900, PEP 2019/00254 diru-sailaren kargura finantzatzeko dira.

2.- Deialdi honetarako zenbatekoa EHUN ETA HAMAR MILA EUROKOA (110.000) da.

3.- Diru-kopuru hori amaitutakoan, eten egingo dira diru-laguntzak harik eta aurrekontuan beste dotazio bat baimendu arte. Hori Bilboko Udalaren webgunean jakinaraziko da.

4.- Aurrekontuko dotazioa handitu egin daiteke, aurkeztutako eskabideak ikusita, beste deialdirik egin barik.

7. ARTIKULUA. LAGUNTZA EKONOMIKOAK

1.- Laguntza honen zenbatekoa hamar mila (10.000) eurokoa izango da eskaera bakoitzeko.

8. ARTIKULUA. BATERAGARRITASUNA BESTE DIRU-LAGUNTZA BATZUEKIN

1.- Diru-laguntza hauek bateragarriak dira helburu bererako beste diru-laguntza, laguntza, diru sarrera edo baliabide batzuekin, edozein dela ere horiek ematen dituen Administrazioa edo erakunde publiko edo pribatua, nazionala, Europar Batasuneko edo nazioartekoa.

2.- Nolanahi ere, modu isolatuan edo beste diru-laguntza, laguntza, diru-sarrera edo baliabide batzuekin batera, esleitutako diru-laguntzaren zenbatekoak ezin izango du inolaz ere diruz lagundutako jardueraren kostua gainditu.

3.- Bateragarriak dira ibilgailu bererako diru-laguntza biak, alegia, Sailak ibilgailu elektrikoa eskuratzeko diru-laguntza eta ibilgailua egokitzeko deitutako diru-laguntza, biak eskuratu daitezke.

4.- Pertsona edo erakunde onuradunek udal ebazpenaren ondoren proiektu bererako beste administrazio publiko batzuetatik diru-laguntzak jasotzen badituzte, Bilboko Udalarri derrigorrean jakinarazi beharko diote, hilabete baino lehenago dagokion jakinarazpena jasotzen dutenetik.

9. ARTIKULUA. ESKABIDEAK

Deialdi honi buruzko informazio eta dokumentazio guztia eskura egongo da udalaren webgunean (www.bilbao.eus); Bilboko Udalaren Herritarren Arretarako Bulegoan, San Agustin Eraikinean; Barrutiko Udal Bulegoetan, ohiko ordutegietan; Bilboko Udalaren gardentasun atarian eta Diru-laguntzen Datu-base Nazionalan.

Diru-laguntzak eskuratu nahi dituzten pertsona fisikoek edo juridikoek eskabidea (I. eranskina) aurkeztu behar dute agiri hauekin batera:

- a) Eskatzailearen NANaren kopia edo, Elkartea izanez gero, IFKaren kopia.
- b) Ibilgailuaren aurrekontua edo faktura.
- c) Erantzukizuna hartzeko aitortpena, diru-laguntzak eskuratzeko 38/2003 Lege Orokorraren 13. artikulua ezartzen dituen debekuetako bat ere ez duela adierazten duena. (II. eranskina).
- d) Ibilgailua Bilboko autotaxi zerbitzuari gutxienez 4 (lau) urtez atxikiko zaiola adierazten duen erantzukizunpeko aitortpena. (II. eranskina).
- e) Borondatezko baimena Udalaren alde, hark bildu ditzan Gizarte Segurantzari eta zergei dagozkien betebeharreri buruzko datuak. II. Eranskina.
- f) Mugikortasun eta Jasangarritasun Sailak eska dezakeen prestakuntza espezifikoan parte hartzeko berariazko eta erantzukizunpeko adierazpena (II Eranskina).
- g) Aurreko atalean aurreikusitako baimena ematen ez bada edo Udalak ezin baditu ziurtagiriak lortu, orduan zerga-betebeharreri eta Gizarte Segurantzarekiko betebeharreri dagokienez egunean dagoela egiaztatzen duten ziurtagiriak aurkeztu behar dira, hurrenez hurren, eskumena duen Zerga Administrazioak eta Gizarte Segurantzaren Diruzaintza Nagusiak urte horretan eginak.
- h) "Hartzekodunen fitxa" behar bezala beteta, eta bankuko kontuaren titulartasuna justifikatzen duen agiria. (III. Eranskina).

i) Eskatutako laguntzen erantzukizunpeko aitortpena. (IV. eranskina)

2.- Eskakerak Bilboko Udalaren Erregistroan aurkez daitezke, edo, bestela, Herri Administrazioen Administrazio Prozedura Erkideari buruzko urriaren 1eko 39/2015 Legearen 16. artikuluan aurreikusitako beste edozein erataria.

3.- Eskakerak aurkezteko epea deialdiaren laburpena Bizkaiko Aldizkari Ofizialean argitaratu ondoko egunean hasiko da. Nolanahi ere, eta aurrekonturik dagoen kontuan hartu gabe, eskaerak aurkezteko epea 2019ko irailaren 6an amaituko da. Diru-laguntzen deialdiari buruzko Informazio guztia dago Bilboko Udalaren web-orrian : <http://www.bilbao.eus/Mugikortasun eta Jasangarritasun>

10. ARTIKULUA. LAGUNTZA EMATEKO PROZEDURA ETA EBAZPENEA

1.- Diru-laguntzarako deialdi honetarako gordetako aurrekontu-kreditua deialdi honetan ezarritako baldintzak betetzen direla ziurtatzen duten pertsona fisiko edo juridikoei banatuko zaie, 7. artikuluan ezarritako laguntzen zenbatekoen arabera, eta aukera hori zabalik egongo da aurrekontuaren zuzkidura agortu bitartean.

Diru-laguntzak emateko erabakian lehenetsun ordenari begiratuko zaio, eta ordena hori, aldi berean, eskaera deialdian adierazitako dokumentu guztiekin aurkezten den dataren eta orduaren arabera izango da, edo, eskatutako agiriren bat faltatuz gero, hura aurkeztutako dataren arabera.

2.- Prozedura bideratzeko eskumena duen organoa Mugikortasun eta Jasangarritasun Saileko Garraioen Zuzendariorde zari lotutako langile teknikoek osatua izango da.

Organo izapidegile horrek ebatzen proposamena egingo du, ziurtatu ondoren:

- Garraio Zuzendariorde zaren udal-ikuskaritzak txosten bat igorri duela, zeinetan adieraziko den diruz lagunduko den ibilgailuak ez duela eragozpenik taxi egokitu gisa Bilboko taxi zerbitzuaren barruan ibiltzeko eta taxi baimenari atxikitako ibilgailuak urteroko ohiko azterketak egin dituela.
- Onuradunak eskatutako dokumentazio guztia aurkeztu duela.
- Onuraduna egunean dagoela bere zerga-betebeharrei eta Gizarte Segurantzaren alorrekoiei dagokienez, eta ez duela zerga-izaerako inolako zigorrik edo zorrik Udal honekin epe exekutiboan, salbu eta atzeratuta badago, zatikatuta badago edo betearazpena etena badago.

3.- Gobernu Batzordeak edo berak eskuordetutakoak ebatziko du prozedura.

Ebatzeko eta interesdunei jakinarazteko gehienezko epea hiru hilabetekoa izango da, eskaera aurkezten denetik, edo dokumentuak zuzentzeko eskatu bada, horiek zuzenduta aurkezten direnetik zenbatzen hasita.

Ebatzeko eta ebatzpena jakinarazteko gehienezko epea igaro ondoren, eskaera ezetsi ahal izango da, administrazio isiltasuna dela-eta.

Eskatutako diru-laguntza emateko edo ukatzeko ebatzpenarekin amaitzen da bide administratiboa.

Horren kontra aukerako berraztertze errekurtsoa jarri ahal izango da ebatzpena eman duen organoaren aurrean, hilabeteko epean jakinarazpena egiten denetik zenbatzen hasita, edo administrazioarekiko auzi-errekurtsoa, dagokion administrazioarekiko auzi - epaitegiaren aurrean, bi hilabeteko epean jakinarazpena egiten denetik zenbatzen hasita.

4.- Prozedura izapidetzeko eta ebatzeko egintzak banakako jakinarazpenaren bidez jakinaraziko dira.

5.- Deialdi honetan onartu diren diru-laguntzen guztirako kopurua txikiagoa bada diru-laguntza hauetarako jarritako kopurua baino, orduan soberakina Bilboko taxi zerbitzuko ibilgailuak egokitzeko diru-laguntzen deialdiari batuko zaio.

11. ARTIKULUA. DIRU-LAGUNTZAREN ORDAINKETA

Mugikortasun eta Jasangarritasun Sailaren Ordezkaritzak emango du onartutako diru-laguntza ordaintzeko ebazpena, eta onuradunari jakinaraziko zaio; ordainketa egiteko, Udal honetako Hartzekodunen Erregistroan bere izenean agertzen den kontu korrontean sartuko da dirua.

12. ARTIKULUA. JUSTIFIKAZIOA

Ibilgailua 2020ko urtarrilaren 1erako eskuratuta egon behar da eta horren justifikazioa, gehenez ere, erosketaren fakturaren egunetik, edota, ibilgailua adierazitako data baino lehenago eskuratu bada, diru-laguntza eman zaiola ziurtatzen duen jakinarazpenaren egunetik, bi hilabeteren barruan aurkeztu behar da.

Udalak ofizioz egiaztatuko du udal-ikuskaritzak gaitzat hartu duela taxi zerbitzuari atxikitzeko; ezinbesteko baldintza da hori diru-laguntza justifikatzeko. Halaber, ofizioz egiaztatuko ditu IATeko fitxa teknikoa eta zirkulazio-baimena.

Diru-laguntzaren justifikazioa:

- Ibilgailuen erosketako jatorrizko faktura eskatzailearen izenean, 2018ko irailaren 4tik 2019ko abenduaren 31ra bitartekoa, fakturaren guztirakoaren ordainagiriekin batera. Bertan hauek zehaztuko dira:
 - o Matrikula edo bastidore zenbakia.
 - o Ibilgailuaren marka.
 - o Modeloa.
- IATari dagokion fitxa teknikoaren fotokopia.
- Zirkulazio baimenaren fotokopia.
- Eskatutako laguntzen erantzukizunpeko aitortpena. (IV. eranskina)

13. ARTIKULUA. DIRUZ LAGUNDU DAITEZKEEN GASTUAK

Diruz lagun daitezkeen gastutzat hartuko dira ibilgailua erosteko gastuak, BEZa salbu, azaroaren 17ko Diru-laguntzen 38/2003 Lege Orokorren 31.8 artikuluan adierazitakoaren arabera.

14. ARTIKULUA. OBLIGAZIOAK EZ BETETZEAREN ONDORIOZKO ERANTZUKIZUNAK

Deialdi honetan zehaztutako betebeharrak betetzen ez badira, edo bertan eskatzen diren datuak eta eskakizunak faltsutzen edo ezkututzen badira, diru-laguntzaren zenbatekoa itzuli beharko da, dagozkion atzerapen interesak barne, diru-laguntza jasotzen den unetik aurrera.

15. ARTIKULUA. EMANDAKO DIRU LAGUNTZEN PUBLIZITATEA

Urtea bukatu aurretik, emandako eta ukatutako diru-laguntza guztiak argitaratuko dira udalaren webgunean.

Era berean, diru-laguntzen publizitatea egingo da Diru-laguntzen Datu-base Nazionalaren bitartez, Diru-laguntzen Lege Orokorrak ezarritakoaren arabera.

Bilbon, 2019ko apirilaren 9an
Mugikortasun eta Jasangarritasun Saila.